



TEKS UCAPAN
**MAJLIS PERASMIAN KONVENSYEN
MARI BELAJAR PERINGKAT NEGERI
MELAKA 2008**

**YG. BERBAHAGIA DATO' MOHAMMAD IZAT HASAN
KETUA PENGARAH RISDA
MEWAKILI YB MENTERI KEMAJUAN LUAR BANDAR DAN WILAYAH**

DEWAN 1001 GELANGGANG
KG.SETIA, KUANG, SELANGOR
26 JULAI 2008
3.00 PETANG

Yang Berusaha Saudara Pengerusi Majlis

Yang Berhormat Abdul Shukor bin Idrus
Ahli Dewan Undangan Negeri Kawasan Kuang

Tn. Hj. Nasarudin bin Malek
Pengarah RISDA Negeri Selangor merangkap Pengerusi Jawatan
kuasa Berkembar Negeri Selangor

En. Isa bin Hj. Mohd. Yunos
Pengerusi JKKK Kg. Setia Kuang merangkap Pengerusi Bersama
Jawatan kuasa Berkembar Konvensyen peringkat Kampung

En. Malique bin Abdul Razak
Wakil KKLW

Ketua-Ketua Jabatan, Pengetua Sekolah

dan seterusnya tuan-tuan dan puan-puan penduduk Kg. Setia, Kuang yang dikasihi sekalian.

Assalamualaikum Warahmatullahi Wabarakatuh

1.0 PENGHARGAAN

Syukur Alhamdulillah, sekali lagi dapat kita berkumpul pada hari ini untuk Majlis Perasmian Konvensyen Mari Belajar 2 jam 3 jam peringkat Kampung Negeri Selangor 2008. Saya berharap Dato'2, Tuan-tuan dan Puan-puan dalam keadaan sihat walafiat dan sentiasa dilindungi oleh Allah SWT dalam usaha kita untuk menjalankan tugas dan tanggungjawab kita. Terlebih dahulu saya

3

ingin menyampaikan salam daripada Yang Berhormat Senator Tan Sri Dato' Seri Muhammad bin Muhammad Taib, Menteri Kemajuan Luar Bandar dan Wilayah yang tidak dapat hadir pada hari ini kerana mempunyai agenda rasmi kerajaan yang lain.

Setinggi penghargaan dan tahniah kepada Jawatankuasa Induk Konvensyen khususnya YB Abdul Shukor bin Idrus, ADUN Kuang, Ketua-Ketua Jabatan dan Agensi-Agensi serta JKKKP Kg. Setia, Kuang kerana mengaturkan satu Majlis ilmu seumpama ini yang begitu berfaedah kepada masyarakat luar bandar di lapangan yang menjadi kumpulan sasaran Kementerian Kemajuan Luar

4

Bandar dan Wilayah. Ini selaras dengan hasrat kerajaan yang mahukan rakyat berilmu, berpengetahuan dan berwawasan untuk meneruskan pembangunan Negara ke puncak kejayaan.

2.0 PEMBANGUNAN MODAL INSAN

Pihak kerajaan telah melihat bahawa salah satu faktor yang menjadi penyumbang utama terhadap kesejahteraan dan pembangunan keluarga masyarakat luar bandar adalah elemen pendidikan yang berterusan. Kementerian Luar Bandar dan Wilayah sentiasa perihatin dalam usaha untuk membangunkan modal insan masyarakat luar bandar. Oleh yang demikian

Kementerian telah menyahut seruan kerajaan yang ingin membangunkan masyarakat luar bandar melalui saluran pendidikan bagi membentuk dan mewujudkan masyarakat luar bandar yang berjaya. Bukan setakat pelajaran anak sahaja, bahkan kita juga perlu sentiasa meningkatkan ilmu pengetahuan supaya dapat berdaya saing dan berdaya tahan dalam zaman globalisasi yang kian mencabar ini. Pendidikan adalah pintu kepada dunia dan kunci kepada kehidupan, ketamadunan serta kekuatan bangsanya. Apa yang kita lakukan atau tidak lakukan akan menentukan masa depan kita. Segala usaha gigih hari ini akan menentukan nasib dan corak kehidupan anak-anak kita di

masa hadapan. Bak kata pepatah 'Membentuk buluh, biarlah dari rebungnya'.

3.0 JANGAN DENGAR KHABAR ANGIN

Pada masa sekarang, macam-macam khabar angin yang kita dengar berkaitan dengan kerajaan kita oleh orang-orang yang tidak bertanggungjawab. Nasihat saya kepada Tuan-tuan dan Puan-puan, janganlah percaya terus khabar-khbar angin ini, semak dahulu dengan agensi rasmi kerajaan, Pejabat DO ataupun Jabatan-jabatan kerajaan yang berkaitan.

7

4.0 SOKONGAN KEPADA JKKKP

Tuan-tuan dan Puan-puan sebagai ibu bapa mestilah berfikiran terbuka dan perlu memberi

5.0 TUJUAN KONVENSYEN

Kempen Mari Belajar 2 Jam 3 Jam telah dilancarkan pada 27 Mei 2006 oleh YAB Timbalan Perdana Menteri sempena Majlis Pelancaran Program Pembangunan Modal Insan Luar Bandar di Stadium Melawati, Shah Alam. Kempen ini bertujuan untuk memupuk kesedaran di kalangan ibu bapa mengenai pentingnya sokongan mereka dalam menjayakan pelajaran anak-anak

8

semasa di rumah dengan mendampingi mereka mengulang kaji pelajaran selama 2-3 jam setiap hari. Konvensyen Mari Belajar Peringkat Kampung ini pula merupakan satu initiative Kementerian Kemajuan Luar Bandar dan Wilayah untuk memantapkan pelaksanaan Kempen dengan melibatkan perkongsian pengalaman ibu bapa yang berjaya menerapkan budaya ini, serta ceramah-ceramah panduan menjadi fasilitator pembelajaran serta panduan-panduan lain. Untuk makluman Tuan-tuan dan Puan-puan, Konvensyen ini dilaksanakan secara menyeluruh disetiap negeri. RISDA telah di beri tanggungjawab sebagai **Pengerusi J/Kuasa Kembar Negeri** bagi Kempen ini di Negeri Melaka,

9

Selangor, Negeri Sembilan dan Pulau Pinang manakala negeri-negeri lain oleh KEMAS, FELCRA, KEDA, KESEDAR, KEJORA, KETENGAH dan Lembaga Kemajuan Bintulu. Tetapi di semua negeri, pihak Kementerian Kemajuan Luar Bandar dan Wilayah dan semua agensi di bawah Kementerian bekerjasama untuk melaksanakan kempen ini.

Tujuan utama Konvensyen adalah untuk memupuk kesedaran, meluaskan pengetahuan dan meningkatkan kemahiran ibu bapa luar Bandar untuk menjadi pemudahcara pembelajaran anak-anak di rumah.

Selain daripada pelajaran sekolah, kita juga perlu memimpin anak-anak kita dalam semua aspek kehidupan. Memang telah menjadi budaya orang-orang Melayu, segan berbincang dengan anak-anak mengenai proses perubahan yang mereka sedang lalui. Apa-apa ilmu yang mereka perolehi, mungkin datangnya sebahagian besarnya dari rakan sejawat, sedikit-sedikit daripada guru-guru dan mungkin juga dari buku-buku atau majalah-majalah yang tidak harus mereka baca. Anak-anak kita sekarang begitu terdedah dengan gejala-gejala sosial yang menuntut satu pendekatan yang bijaksana daripada kita. Sabda Rasulullah, 'Jangan kamu mengajar anak kamu seperti kamu diajar kerana dunia anak kamu

11

adalah begitu asing daripada dunia kamu' Sabda Baginda lebih seribu tahun dahulu amat relevan kepada kita pada hari ini. Kitalah yang menjadi penentu terhadap masa depan kita. Kita yang mengambil keputusan jalan mana yang hendak dilalui

4.0 MATLAMAT KONVENSYEN

Untuk makluman Tuan-tuan dan Puan-puan sekalian, matlamat Konvensyen ini adalah

a. Memupuk kesedaran, meluaskan pengetahuan dan meningkatkan kemahiran ibu bapa luar bandar untuk menjadi fasilitator pembelajaran anak-anak di rumah.

12

b. Mewujudkan institusi keluarga yang utuh sebagai platform pencegahan gejala sosial dan perunding kerjaya anak-anak setelah tamat pendidikan formal peringkat menengah.

5.0 PERANAN IBU BAPA

Terdapat 4 peranan yang perlu dimainkan oleh Tuan-tuan dan Puan-puan sebagai ibu bapa iaitu:

a. Jurulatih – Ibu bapa akan mengawal secara formal anak-anak semasa belajar di rumah

13

b. Pemudahcara – Ibu Bapa akan membantu mempermudah anak-anak belajar di rumah dengan memberi galakan, motivasi dan insentif supaya anak rajin atau berminat untuk belajar di samping berusaha menyediakan kemudahan yang selesa dan mewujudkan suasana yang kondusif untuk belajar.

c. Pemantau – Ibu Bapa memastikan anak-anak berada di rumah dan melakukan aktiviti mengulang kaji atau menyelesaikan kerja sekolah. Pemantauan dilakukan sama ada secara dekat(bersemuka) atau secara jauh (telefon).

d. Pemerhati – Ibu Bapa memastikan anak-anak bersama semasa sesi pembelajaran anak-anak di rumah. Ibu Bapa lebih

14

berperanan untuk memerhati sahaja anak belajar serta mengambil tahu perkembangan pencapaian anak.

Selama 2 hari ini, tuan-tuan dan puan-puan akan di beri penerangan yang lebih jelas oleh penceramah-penceramah yang mahir dan pakar dalam bidang ini.

6.0 PENGISIAN PROGRAM KONVENSYEN

15

Konvensyen ini akan berlangsung selama 2 hari dan di isi dengan ceramah motivasi, ceramah perdana, Forum Bicara Ulama, Forum Bestari serta Majlis Resolusi Ibu Bapa. Pengisiannya sangat menarik dan amat berguna kepada Tuan-tuan dan Puan-puan sekalian. Penampilan 7 orang Tokoh Penceramah tersohor yang handal-handal belaka dalam satu konvensyen perlu di ambil perhatian yang serius, bukan senang kita hendak mendapatkan ilmu yang begitu banyak dan berguna dalam masa 2 hari. Oleh itu, saya memohon Tuan-tuan dan Puan-puan supaya mengikuti setiap program yang telah diatitkan dan terimalah ilmu yang

16

disampaikan dengan sebaik mungkin untuk masa depan keluarga kita.

8.0 PERANAN RISDA DALAM PENDIDIKAN

Saya mengambil peluang di sini untuk memberi sedikit maklumat mengenai peranan RISDA dalam pendidikan masyarakat luar bandar khususnya pekebun kecil.

Latihan Pekebun Kecil

Di samping khidmat pengembangan, latihan formal dan informal yang dijalankan secara berterusan untuk pekebun kecil, RISDA juga telah memberi perhatian kepada pendidikan generasi muda

pekebun kecil. Bagi RISDA, pembangunan ahli isi rumah perlu di beri penekanan sebagai jaminan untuk meningkatkan pendapatan keluarga serta taraf hidup masyarakat pekebun kecil dan luar bandar. Ini dilaksanakan dengan penubuhan **Institut Kemajuan Pekebun Kecil (IKPK) di Perak, Pahang dan Kelantan, RISTEC di Port Dickson dan Kolej RISDA di Melaka**. Kursus-kursus **teknikal dan pemasaran** dijalankan di IKPK manakala **Kursus Bina Insan, keusahawanan dan Kemahiran** dijalankan di RISTEC, Port Dickson. Bagi latihan pekebun kecil, sejumlah **RM 3 juta** di peruntukkan bagi latihan di IKPK. Pada tahun ini setakat

Jun 2008, sebanyak **217 kursus** telah dijalankan oleh Bahagian Latihan RISDA melibatkan seramai **4887 orang** peserta.

Selain daripada itu, sejumlah **RM 5.055 juta** disalurkan oleh KKLW kepada RISDA dibawah Program Latihan Kemahiran dan Kerjaya (PLKK), Program Kecemerlangan Pelajar (PKP) dan Program Pembangunan Minda Insan (PPMI) untuk anak-anak pekebun kecil miskin.

Tuisyen Desa

Di bawah RMK 9, Kerajaan telah menyediakan peruntukan sejumlah **RM 2 juta** kepada RISDA bertujuan untuk membantu meningkatkan taraf pelajaran anak-anak pekebun kecil yang

tinggal di luar bandar terutama mereka yang akan mengambil peperiksaan seperti **UPSR, PMR dan SPM**. Mata Pelajaran yang di beri tumpuan adalah **Matematik, Sains, Bahasa Melayu dan Bahasa Inggeris**. Program ini telah bermula pada tahun 2007. Pada **tahun 2007**, daripada seramai **1,609 pelajar** telah mengikuti kelas tuisyen ini, iaitu meliputi **851 pelajar UPSR, 347 pelajar PMR dan 411 pelajar SPM**.

Kolej RISDA

Manakala di **Kolej RISDA di Melaka**, anak-anak pekebun kecil di beri peluang untuk melanjutkan pelajaran ke peringkat Sijil dan

Diploma. Bidang yang di beri keutamaan adalah Pertanian. Setakat ini, Kolej RISDA telah melahirkan 3,424 orang graduan iaitu 924 orang graduan dalam bidang akademik dan 2,500 orang dalam bidang kemahiran. Seramai 350 orang graduan telah terima Diploma dan Sijil masing-masing. Graduan Diploma Pertanian 75 orang.

Skim Biasiswa Pengajian Tinggi

Mulai tahun ini, RISDA telah mewujudkan Skim Biasiswa Pengajian Tinggi untuk anak-anak pekebun kecil bagi tahap pengajian Diploma dan Sijil. Dana Skim ini adalah daripada

Tabung Pembangunan Sosio-Ekonomi Pekebun Kecil dan sumbangan Anak Syarikat RISDA. Keutamaan bidang pengajian adalah Pertanian, Ternakan dan yang berkaitan pertanian. Keutamaan tempat pengajian adalah di Kolej RISDA. Bilangan Biasiswa yang ditawarkan adalah 20 bagi setiap semester iaitu 15 bagi Diploma dan 5 bagi Sijil. Kadar Bantuan adalah RM 30,000 bagi Diploma dan RM5,000 bagi Sijil. Ini termasuk Yuran Pengajian, Penginapan dan Makan/Minum.

9.0 PENUTUP

Akhir kata, sekali lagi saya bagi pihak Yang Berhormat Menteri merakamkan setinggi-tinggi tahniah kepada Jawatankuasa Induk Konvensyen di atas usaha yang amat murni ini, moga-moga diberkati Allah S.W.T. Juga kepada YB Dato' Abdul Shukor bin Idrus, ADUN Kuang, En Isa bin Hj. Mohd. Yunos, Pengerusi JKKK Kg. Setia Kuang serta Ahli JKKK Kg. Pulai dan En. Nasarudin bin Malek, Pengarah RISDA negeri Selangor serta semua Ketua-Ketua Jabatan atas sokongan dan kerjasama yang telah diberikan. Semoga Majlis ini memberi manfaat yang sepenuhnya kepada masyarakat luar bandar khususnya penduduk Kg.Setia ini untuk

lebih maju lagi di masa hadapan. Saya mendoakan agar Tuan-tuan dan Puan akan terus maju dan meningkatkan pengetahuan dan akan mempraktikkan apa yang diperolehi dalam konvensyen ini. Azam dan kerjasama dari semua akan dapat menjayakan aktiviti pembangunan luar bandar dan semoga Tuan-tuan dan puan-puan akan terus cemerlang dalam mengharungi kehidupan yang lebih sejahtera.

Dengan kata-kata ini dan dengan lafaz 'Bismillahirrahmanirrahim' saya merasmikan **Konvensyen Mari Belajar 2 Jam 3 Jam Peringkat Kampung Negeri Selangor 2008.**

Sekian. Wabillahi taufik Walhidayah Wsb.